

19. marts 2015

**Umiarsualivimmieinnermut aamma umiarsuarni takornarianik angallassisuni ilaasut
akileraarutaat pillugit inatsisartut inatsisaata allanngortinnejnarneranik Inatsisartut
inatsisaat nr. Xx, xx.xx 2015-imeersoq.**

**(Umiarsuarni takornarianik angallassisuni ilaasut akileraarutaannik aamma ilaasunik
nalinnaasunik takornarianillu angallassinermi ilaasut akileraarutaannik
atorunnaarsitsineq)**

Umiarsualivimmieinnermut aamma umiarsuarni takornarianik angallassisuni akileraartarnerup
allanguutissaanut siunnersummut Siumumiit imaattumik oqaaseqaateqassaagut:

Siumumiit nuannaarutigaarput Aningaasaqarnermut Aatsitassanullu Naalakkersuisoq takornariaqarneq
annertusarniarlugu Naalakkersuinikkut anguniakkat malillugit siunnersuuteqarmat.

Siumumiit maluginiarparput ukiuni kingullerni umiarsuarnut takornariartaatinik ilaallutik tikittartut
ikiliartortut, 2010-mi iilaasut 30.000-illutik 2013-mi 21.496-iupput.

Nunatsinni akileraarutip maannakkut 138%-imik angalanernut taamaattunut Islandimi taamaaqataanullu
sanilliullugu qaffasinneraaq.

Ilanngullugu maluginiagassaavoq piffimmi takornarissat nunatsinnut tikittartut ikiliartormata, Islandimi
taamaaqataanilu sanilliuffigisinnaasatsinnut takornariassat tikittartut amerligaluttuunnarlutik.

Allanngortoqanngippat takornariartaatit nunatsinnut tikittartut ikiliartuinnassasut aarleqqutigineqarpoq,
taamaasilluni nunatta karsianut aningaasanik isertitassat ikiliartuinnarsinnaanera aarleqqutissaalluni.
Takornarialerinerme, eqqumiitsuliornikkut kulturikkullu suliaqarnermi takornarissat tikittartut niuernikkut
kiffartuussinikkullu pisariaqartinneqarput.

Siunnersuutigineqarpoq ilaasut akileraarutaat umiarsualivimmieinnermut akileraarutinngortinnejnqassasoq,
umiarsuup usitussusia aallaavigalugu naatsorsorneqartussanngorlugu, ilanngullugu pineqarpoq ilaasut
angalanernut Danmarkimiit, Savalimmiuniit nunanilluunniit allaniit aaqqissuunneqartunut billetsimik
ataatsimoortumik pisismasut akileraarutaannik atorunnaarsitsinissaq.

Taama oqaaseqarluta Siumumiit siunnersuut Aningaasaqarnermut Akileraartarnermullu
Ataatsimiititaliami suliarineqartussanngorlugu ingerlateqqinnejnqarnissaa innassutigaarput,
ataatsimiititaliarlu naliersuilluarluni sulilluarnissaanik kissaallugu.

Suka K.Frederiksen
Siumut